

କଲସିୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର କଲସିୟ କୁଲମିତାକି ପାଞ୍ଚୁଲ ରାଫାମାନି ଆକୁ ମୂଲ୍ୟ ହାତୀ

କଲସିୟ ଆକୁ ଆହିମାନେ ପାଞ୍ଚୁଲ ତାଣାଟି ରାଫିତି ଆକୁ ୧:୧ । ପାଞ୍ଚୁଲ ଜୀସୁ କ୍ରୀସ୍ତ ଜାର୍ନାଆତି ୭୦ ବାର୍ଷା ତାୟୁ ଏଞ୍ଜାସି ରମ୍ ଗାଡ଼ାତି କାୟିଦିତା ମାଟାଟି ଈ ଆକୁ ରାଫାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇତିହିଁ ପାଞ୍ଚୁଲ କାୟିଦିତା ମାଟାଟି ଈ ଆକୁ ରାଫାମାଚେସି । ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଫାମାଚେସି । ପାଞ୍ଚୁଲ ଈ କୁଲମିତି ମାଟୁହା ହିଲାଆତେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଞ୍ଜାସି ଝେସିମାନେସି । ଏପାପ୍ସ ଈ କୁଲମି କିହାମାଚେସି ଇତିହିଁ ଏଞ୍ଜାସି କଲସିୟତାସି ମାଚେସି ।

ପାଞ୍ଚୁଲ କଲସିୟ କୁଲମିତି ଏଚେକା ମିତି ଜାପ୍ନାରି କାତାତାକି ଅଣ୍ଡପିମାଚେସି । ଏଞ୍ଜାସି ଈ କାତାତାକି ହାରେକା ଗାଡ଼ିକିହିଁ ରାଫାମାନେସି । ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଟାରି ଜୀହୁଦିଆଆତି କ୍ରୀସ୍ତାନା ଲକୁଇଁ ପ୍ଲୁଃଇ ମେରାତି ଜୀହୁଦି ପାଣାପାରୁ, ଇତିହିଁ ତଲୁ ଦାପିଆନି ମେରା ମାନ୍ତ୍ରୀ ଆହାଲି ବାଲାମାତମି କିହାଲି ଅଣ୍ଡପିମାଚେରି । ପାଞ୍ଚୁଲ ବାରେକିହାଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଫିମାନେସି, ରଅସି ଆମ୍ବାଆସି ଜିକେଏ ଆପେସି କ୍ରୀସ୍ତତି ପିସ୍ପେ ମାହାପୁରୁ ତାଣା ନେହାଁସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦୀ ତଲେ ଜାପ୍ନି କାତା ଉଜେଏତାୟି ୨:୮ ।

ପତିତା ମାନାୟି

୧. ଜହରା କିହାନା ଆକୁତି ମାଟୁନାୟି । ୧:୧-୨

୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି । ୧:୩-୩:୪

- ୩. ନେହଁ କ୍ରୀସ୍ତାନା ଲକ୍ଷ୍ମ ଆହ୍ୱାନା ନୀତାଲି ଖେହ୍ନାୟି । ୩:୫-୪:୭
- ୪. ଆକୃତି ଏବଂ କା କୁଲମିତା ପଡ଼଼ି ଆହ୍ୱାଲି ଇଞ୍ଜା ଜହରା ତଲେ ଆକୃତି ରାପ୍ନାୟି । ୪:୭-୧୮

^୧ ପାଖୁଲ, ମାହାପୁରୁତି ଅଶପୁ ତଲେ କ୍ରୀସ୍ତ ଜୀସୁତି ପାଶୁଡ଼ିଆହ୍ୱାନାସି ସୀସୁ ଅଡ଼େ ମା ତାୟି ତିମତି ।

^୨ କଲସିୟତା ମାନି ମାହାପୁରୁତି ଲକ୍ଷ୍ମ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଙ୍ଗିସ୍ମାକି ଆକ୍ଷୁ ରାଡ଼ିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

ଜହରା ପ୍ରାତାନା

^୩ ମାମ୍ବୁ ମୁଁଙ୍ଗେ ତାକି ପ୍ରାତାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇ କାଲେଏ ଜହରା କିହିମାନମି; ^୪ ଏନାଆଁତାକି ଇତିହଁ ମାମ୍ବୁ କ୍ରୀସ୍ତ ଜୀସୁ ତାଣା ମୀ ନାମୁ ଅଡ଼େ ମାହାପୁରୁ ଲକ୍ଷ୍ମଣି ଜୀସୁନହଁ ମାନାଣି ଖେଞ୍ଜାମାନମି । ^୫ ଏତିବେଲା ନେହଁ କାରୁତି ସାତା ବଲ୍ଲୁ ମୀ ତାଣା ମୁଲୁଏ ଖାଡ଼େ, ମୀରୁ ଏଦାନି ତାଣାଟି ହୀପକିଆଡ଼ି ବାର୍ସୁତି କାତା ଖେଚେରି । ମୀରୁ ଏନାଆଁ ବାର୍ସୁ କିଦେରି, ଏନାୟି ମୀ ତାକି ଲାକପୁରୁ ଇବକି ଆହ୍ୱାମାନେ, ଏମ୍ବାଆଁ ମୀ ନାମୁ ଅଡ଼େ ଜୀସୁନନାୟି ତୁୟାମାନେ । ^୬ ଏ ନେହଁ କାରୁ ମୀ ତାଣା ଖାହାମାନେ, ଇଞ୍ଜା, ଏଦି ଏନିକଁ ବାରେ ଦାରତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଖେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ^୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଞ୍ଜାସି ମିଙ୍ଗେ ତାକି କ୍ରୀସ୍ତି ର ମାନି ତଲେ ସେବା କାମାକିନାସି; † ଏଞ୍ଜାସି ସୁଦୁଜୀସୁ ତଲେ ମିଙ୍ଗେ ହୀହାମାଞ୍ଜାନି ଜୀସୁ ନଞ୍ଜିଆନି କାତା ମାଙ୍ଗେ ଖେସାମାଞ୍ଜାନେସି ।

^୮ ଇଦାଆଁତାକି ମୀ କାତା ଖେଚି ଦିନାଟିଏ ମାମ୍ବୁ କାଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲ୍‌ହିନି ବାଡ଼ୁୟି ତଲେ ମାହାପୁରୁତି ବାରେ ଅଶପୁ ଏନିକିହଁ

☆ ୧:୭ ୧:୭ କଲସି ୪:୧୨; ପିଲିମ ୧:୨୩

ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାଡାନା କିହିମାନମି । ୧୦ ବାରେ ଜୀଝୁତି ବୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଗେତି ମାଣକି ତଲେ ତାକାଦୁ, ଇଚିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ । ୧୧ ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼ୟୁଟି ବାଡ଼ୟୁ ଗାଟାତେରି ଆଦୁ, ୧୨ ଇଞ୍ଜା ଆମିନି ଆବା ମାହାପୁରୁ ଲକୁଣି ଉଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାଁତଲେ ଜହରା କିଦୁ । ୧୩ ଏଝାସି ମାଙ୍ଗେ ଆନ୍ଦେରିତି ବାଡ଼ୟୁଟି ପିସି କିୟାତେସି ଅଡ଼େ ତାନି ଜୀଝୁତି ମୀରୁଏଣାତି ରାଜିତା ମାଙ୍ଗେ ତାତାତେସି । ୧୪ ☆ ମୀରୁଏଣି ତାଣାଟି ମାର ଗେଲ୍ପି ଆହାମାନାୟି ଇଚିହିଁ ମା ପାପୁ ବାରେ ମ୍ପେପକି ଆହାମାନେ ।

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନ୍ତି ଝାଣା ଗାଗସି, ଏଝାସି ନଚେଏ ଜାର୍ନାଆଡ଼ି ମୀରୁଏସି, ଇଞ୍ଜା ବାରେ ଗାଡ଼ି ଆଡ଼ି କିହାଁ କାଜାସି, ୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାରତିତା ବାରେ ଏଝାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲ୍ଝି କିନାୟି ବାରେ ଏଝାଣି ତାଣାଟି ଇଞ୍ଜା ଏଝାଣି ତାକି ଗାଡ଼ି ଆହାମାନେ; ୧୭ ବାରେ ଗାଡ଼ି ଆଡ଼ି ନଚେଏ କ୍ରୀସ୍ତ ମାତେସି, ଇଞ୍ଜା ଏଝାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାଇ ତାୟୁ ମାନି ଚାୟୁତା ମାନୁ । ୧୮ ☆କ୍ରୀସ୍ତ କୁଲମି ଲେହେଁତି ଆଙ୍ଗାତି ତାୟୁ ଲେହେଁତାସି, ଏ ଆଙ୍ଗାତି ଜୀଝୁ ବାଡ଼ୟୁ । ବାରେ ତାଣା ନକିତା ଆହାଲି ତାକି ଏଝାସି ହାଡ଼ାରି ତାଣାଟି ନଚେଏ ନିଙ୍ଗାମାନେସି । ୧୯ ଏଦାଆଁତାକି ଇଚିହିଁ ମାହାପୁରୁତି ଅଣ୍ପୁ ଲେହେଁ ମୀରୁଏସି ତାନୁଏ ମାହାପୁରୁତି ବାରେ ମାଣକି ଆସା କତାମାନେସି, ୨୦ ☆ଅଡ଼େ ତାନି ମୀରୁଏଣା କୁସତି ନେତେରି* ତଲେ ଏଝାସି ହିଡ଼ଡ଼ି ତୀରି କିହାନା ଏଝାଣି ତାଣାଟି ତାନିତଲେ ବାରେ ଲକୁଣି କାଲ୍ନେସି, ହାଅ

☆ ୧:୧୪ ୧:୧୪ ଏପିସି ୧:୭ ☆ ୧:୧୮ ୧:୧୮ ଏପିସି ୧:୨୨,୨୩ ☆ ୧:୨୦ ୧:୨୦
ଏପିସି ୨:୧୭ * ୧:୨୦ ୧:୨୦ ନେତେରି ଇଚିହିଁ ମୀରୁଏଣା ହାକି

ଏଞ୍ଜେଲି ତାଣ୍ଡାଟି ଦାର୍ତ୍ତିତା ଅଡ଼େ ଲାକପୁରୁ ମାନାଣି ବାରେ କାଲୁଝି କିନେସି ।

୨୧ ଅଡ଼େ ନଡ଼କଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣ୍ଡାଟି ଏଟ୍‌କା ଅଡ଼େ ହେକ ମାଚେରି ଇଞ୍ଜା ମନତା ତାନି ସାତୁ ମାଚେରି, ୨୨ ସାମା ନୀର୍ବ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡ଼େ ଦହ ହିଲିଆଗାଟାତେରି କିହାଲି ତାନି ମୀର୍‌ଏଣା ଆଙ୍ଗାତି ହାକି ତଲେ ମିଙ୍ଗ ତାନିତଲେ କାଲୁହା ମାଞ୍ଜାନେସି; ୨୩ ମୀରୁ ର ତୀର୍‌ପୁ ଆଟ୍‌ଝା ପୁନାଦି ଲାକ ଡ଼ୟାଦୁ ଅଡ଼େ ନେହୁଁ କାରୁ ଝେନି ବେଲାତା ଏମିନି ବାର୍ସୁ ଇଟାମାଚେରି ଏମ୍ବାଟି ଇତାଲା ଆତାଲା ଆଆଦୁ, ଆତିହୁଁ ସାତେଏ ଏମ୍ବାଟି ପାଡ଼େୟି ବେଟାଆଡ଼େରି; ଏ ନେହୁଁ କାରୁ ମୀରୁତ ଝେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାରୁ ଝେଙ୍ଗାମାନେ ଅଡ଼େ ନାନୁ ପାଞ୍ଜୁଲ ଏମ୍ବାଟି ନାମୁତି ହଲେଏଣାତେଏ ।

କୁଲମିତା ପାଞ୍ଜୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତ ବେଟାଆହି ମାଲୁ, ଏମ୍ବାଆଁ ନାନୁ ନୀର୍ବ ରାହାଁ କିହିମାଲୁ, ଇଞ୍ଜା କ୍ରୀସ୍ତତି ଦୁକୁ କସ୍ତ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତ ଅର୍‌ହାନା ରାପୁହାଲି ସାୟେମି କିହିମାଲୁ । ୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହୁଁଏ ଏ କୁଲମିତି ନାନୁ ର ସେବା କିନାତେଏଁ ଆହାମାଲୁ, ଏନିକିଁ ନାନୁ ମାହାପୁରୁତି ବଲୁ ତୀରିତଲେ ଝେକ୍‌ଇ, ୨୬ ଏ ନେହୁଁ କାରୁ ର ଡ଼ଗୁମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣ୍ଡାଟି ଡ଼ଗୁମାଚେ, ସାମା ନୀର୍ବ ତାନି ଲକୁତାଣା ତସାମାନେସି । ୨୭ ଜୀହୁଦିଆଆତି ଲକୁତାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍‌ପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜେସି ଗାଞ୍ଜୁରମି ଅଡ଼େ ବାର୍ସୁ ଲେହେଁତାସି; ୨୮ ମାମ୍‌ସୁ ଏ କ୍ରୀସ୍ତଇଁ ଝେକ୍‌ହି ମାନମି, ଇଞ୍ଜା ବାରେଜାଣାତି ସେଦନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍‌ସୁ ଏନିକିଁ ମାହାପୁରୁ ନକିତା

ତୀରପୁତ ଲକୁ ଲେହେଁ ତାଚାଲି ଆଡ଼ିନମି; ^{୨୯} ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁୟୁତି ଲେମ୍ବାନା ନାନୁ ଜୀସୁ ତୁସାନା କାମା କିହିମାଇଁ ।

୨

^୧ ମୀ ତାକି ଲାସୁଦିକିୟାତି ଲକୁ ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀସୁ ତୁସାନା କାମା କିହିମାଇଁ, ଇ ବାରେ ମୀରୁ ପୁଞ୍ଜୁ ଇଞ୍ଜିଁ ନାନୁ ଅଣ୍ପିମାଇଁ; ^୨ ନା ଅଣ୍ପୁ ଇଦି, ଏନିକିଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜାଁ ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇଚିହଁ ମାହାପୁରୁତି ଡଗୁମାନାୟି କ୍ରୀସ୍ତ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀସୁ ନଞ୍ଜି ଆନେରି । ^୩ ଜୀସୁ କ୍ରୀସ୍ତ କୁଚିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡଗୁମାନି ବାରେ ଦନ ଦେନେସି ।

^୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଁତି ମିଚି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇଁ । ^୫ ଇଚିହଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀସୁତଲେ ମୀ ତାଣା ମାଞ୍ଜାମାଇଁ, ଇଞ୍ଜାଁ ମୀ ନେହଁକିଁ ଜାରୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ ।

କ୍ରୀସ୍ତ ତାଣା ଜୀସୁ

^୬ ଇଚିହଁ ମୀରୁ କ୍ରୀସ୍ତ ଜୀସୁଇଁ ପ୍ରବୁ ଇଞ୍ଜିଁ ଏନିକିଁ ନାମାମାଞ୍ଜେରି, ଏଲେକିହଁଏ ଏଞ୍ଜାଣି ତାଣା ମାଞ୍ଜାନା ନୀତାଦୁ; ^୭ ଏଞ୍ଜାଣି ତାଣା ଜାଣେ ଡୟାଦୁ, ମୀ ଜୀସୁତି ତୀରିକିଦୁ ଇଞ୍ଜାଁ ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

^୮ ସିନିକିଦୁ, ଏଚେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣ୍ଡସିତି ପାଣାପାଟୁ ଅଡ଼େ ଦାରତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ; ^୯ ଇଚିହଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଡସି ଝାଣା ଆହାନା ବାସା ଆନେ । ^{୧୦} ଏଞ୍ଜାସି ବାରେ ସାଲୁଞ୍ଜି କିନାରି ଇଞ୍ଜାଁ ଅଦିକାରା

ବେଟାଆଡ଼ାରି ତାୟ୍ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁୟ୍ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଝୁଏ ମୀ ତଲୁ ଦାପି ଆଡି ଲେହେଁତାୟି । ଏ ତଲୁ ଦାପି ଆଡାୟି ମାଣ୍ଠି କିତାୟି ଆଏ, ଏଡି କ୍ରୀସ୍ତ ତାଣାଟି ଆହାମାନେ । ଏଡି ମାଣ୍ଠିଇଁ ପାପୁ ଆଙ୍ଗାଟି ଗେଲପି କିନେ । ୧୨ ✨ମୀରୁ ଏତିବେଲା ବାପ୍ତିସ୍ମ* ବେଟାଆଡେରି ଏତିବେଲା ମୀରୁ କ୍ରୀସ୍ତ ତଲେ ମୁସ୍ପିଆଡେରି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁୟ୍ଟି ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକହାତେସି । ୧୩ ✨ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଟାଟି ହାହାମାତେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେଡି ପାପୁ ମ୍ଲେକହା ମାଞ୍ଜାନେସି; ୧୪ ✨ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାଟେ, ଏଦାଆଁ ଏଞ୍ଜାସି ମ୍ଲେକହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି; ୧୫ ଅଡେ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟ୍ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଡ଼ି କିହାମାନେସି ।

୧୬ ✨ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କ୍ବି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି । ୧୭ ଏ ବାରେ ଝାହ୍ମାନି ଦିନାତା ଆହାଲି ହାଜିମାନି ସାୟ୍ ଲେହେଁ; ସାମା ଏମ୍ବାଡି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୂରୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡେ ଦାର୍ଡିତି ଅଣ୍ପୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟ୍ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହ୍ଆନା ମାହାପୁରୁ ବରଡି ଏଟକା କିୟାଆପେସି । ୧୯ ✨ଏଞ୍ଜାଣି ତାଣାଟି ବାରେ ଆଙ୍ଗା

✨ ୨:୧୨ ୨:୧୨ ରମି ୬:୪ * ୨:୧୨ ୨:୧୨ ମୁଞ୍ଜିନାୟି ✨ ୨:୧୩ ୨:୧୩ ଏପିସି ୨:୧-୫

✨ ୨:୧୪ ୨:୧୪ ଏପିସି ୨:୧୫ ✨ ୨:୧୬ ୨:୧୬ ରମି ୧୪:୧-୬ ✨ ୨:୧୯ ୨:୧୯ ଏପିସି

ହାନ୍ତୁଲିକା ଅଡ଼େ ଇଶାୟାଁଟି ନେହୁଁ ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ ।

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

^{୨୦} ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାର୍ତ୍ତିତା ସାଲୁଝି କିହିମାନି ବାଡ଼ୁମୁଟି ଗେଲପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାର୍ତ୍ତିତି ଲକୁ ଅଣ୍ପୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି, ^{୨୧} ଆତିହୁଁ “ମାଣ୍ଡି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ଡୀଗାଆଦୁ ଦାର୍ତ୍ତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଝି ଆହିମାଞ୍ଜେରି ?” ^{୨୨} ଏ ବାରେ ଆସ୍ତି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ । ^{୨୩} ଏଲେତି ଜାପୁନାୟି ଜାହାରା ଅଣ୍ପୁଟି ସେବା କିନାୟି, ଜାହାରାଇ ଉଣା କିନାୟି ଇଞ୍ଜା ଆଙ୍ଗାତି ହାରେକା କସ୍ତ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଦି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍ପୁ ରାହାଁ ଆନେ ।

୩

^୧ ମୀରୁ କ୍ରୀସ୍ତ ତଲେ ହାକିଟି ନିଙ୍ଗା ମାଞ୍ଜେରି, ଆତିହୁଁ ମାହାପୁରୁଟି ଚିଃନି ଟେଟା କୁଗାମାନି କ୍ରୀସ୍ତତି ଆମିନି ବାସାଟାମୁ, ଏ ଲାକପୁରୁ ମାନାଣି ପାରାଦୁ । ^୨ ଦାର୍ତ୍ତିତା ମାନି ବାରେ କାତାତି ଅଣ୍ପାଆନା, ଲାକପୁରୁ ମାନାଣି ବାରେ ଅଣ୍ପାଦୁ । ^୩ ଏନାଆଁତାକି ଇତିହୁଁ ମୀରୁ ହାହାମାଞ୍ଜେରି, ଅଡ଼େ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ଡ଼ରୁମାନେ । ^୪ ମା ଜୀଝୁ ଲେହେଁତାସି କ୍ରୀସ୍ତ, ଏତିବେଲା ଏଝାସି ତଞ୍ଜାଆନେସି, ଏତିବେଲା ମୀରୁ ଜିକେଏ ଗାଝୁରମିତି ଏଝାଣିତଲେ ଆଣ୍ଡାନା ତଞ୍ଜା ଆଦେରି ।

ପୁଝଇ ଜୀଝୁ ଅଡ଼େ ପୁଝନି ଜୀଝୁ

^୫ ଏନାଆଁତାକି ମୀ ଦାର୍ତ୍ତିତି ଲାଗେଏ ପଲେଏ ତାଣାଟି ଇତିହୁଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଝି କିହାଁ କଡାଦୁ; ^୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି,

ଏଞ୍ଜରାକି ମାହାପୁରୁତି କପା ଖାନେ; ^୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହିଁ ନୀତିମାଚେରି ।

୮ ସାମା ନୀର୍ବ ମୀରୁ ଜିକେଏ ଇ ବାରେ କାତା ଇତିହିଁ, କପା, କାର୍ବି, ଇର୍ଯା ଇଞ୍ଜା ମୀ ଗୁତିଟି ନିନ୍ଦା କାତା ଅଡେ ଅପାଆଗାଟି ହାଡା ଜଲାଆଦୁ । ^୯ *ମୀ ବିତ୍ରା ମିତି କାତା ଖେସ୍ପି ଆଆଦୁ; ଏନାଆଁତାକି ଇତିହିଁ ମୀରୁ ବାରେ ପୁଃଇ ଗୁଣୁ ମାଣ୍ଡକି ପିସାମାଞ୍ଜେରି, ^{୧୦} *ଅଡେ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ଯ୍ୟାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ^{୧୧} ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାଜିତାରି, ସ୍ତୁତିୟାତାରି, ହଲେଏସି, ହଲେଏସି ଆଆଡାସି, ଇ ବାରେତି ବିତ୍ରା ଏନି ପାରଡା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଞ୍ଜାସି ବାରେ ତାଣା ବାସା କିନେସି ।

^{୧୨} *ମୀରୁ ମାହାପୁରୁତି ଲକୁଚେରି; ଏଞ୍ଜାସି ମିଙ୍ଗେ ଜୀଞ୍ଜୁନହାଁନା ତାଙ୍ଗେତାକି ଆଡାମାଞ୍ଜାନେସି । ଏଦାଆଁତାକି ମୀରୁ ହିଡଡି ହିୟାଁ, କାର୍ମାନେହନାଣି, ଉଣା ଆନାୟି, ସୁଦୁ ସୁଞ୍ଜାଲା ମାଣ୍ଡକି ଅଡେ ଅରୁହିନାଣି ପରୁଦୁ । ^{୧୩} *ମୀ ବିତ୍ରା କସ୍ତ ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅଡେରି ରଅଣି ଦହ୍ ମ୍ବେକ୍ଦୁ; ପ୍ରୁ ଏନିକିଁ ମୀ ଦହ୍ ମ୍ବେକ୍ଦୁହା ମାଞ୍ଜାନେସି, ମୀରୁ ଜିକେଏ ଏଲେକିହିଁ ଏ କିଦୁ । ^{୧୪} ଅଡେ ଇ ବାରେ ଗୁଣୁତଲେ ଜୀଞ୍ଜୁନନାୟି ମୀ ବିତ୍ରା ମାଣ୍ଡମ୍ବେ, ଇତିହିଁ ଜୀଞ୍ଜୁନନାୟି ବାରେ ଗୁଣୁତି ରୁଣ୍ଡି କିନେ । ^{୧୫} କ୍ରୀସ୍ତ ହିୟାତି ହିଡଡି ମୀ ହିୟାତି ସାଲ୍ଡି କିପେ । ଇତିହିଁ ଇ ହିଡଡି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଡାମାଞ୍ଜାନେସି ଅଡେ ବାରେବେଲା ମୀରୁ ମାହାପୁରୁଇଁ ଜହରା କିଦୁ ^{୧୬} *କ୍ରୀସ୍ତ ବିଲୁ ହାରେକା ମୀ ହିୟାତା ଡୟାପେ; ବୁଦିତଲେ ମୀରୁ ରଅଡେରି ରଅଣାଲ୍ ହାରେପୁରେ ଜାପୁହାନା ସେଡନା ହାପୁକିଆଦୁ, ଇଞ୍ଜା ମୀ ସୁଦୁଜୀଞ୍ଜୁ ତଲେ ମାହାପୁରୁଇଁ ଜହରା କିହିଁ ହିୟାଁ ତଲେ

ପାରୁ ପାରାନ୍ତୁ । ୧୭ ଅଡ଼େ ମୀରୁ କାତାତାକି କାମାତା ଏନାଆଁ କିଦେରି, ଇଚିହିଁ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ପୁଃନି ଜୀଝୁତା ଆଣ୍ଡିନାୟି

୧୮ ✧ଏ ଡକ୍ରିସିକାତେରି, ମୀରୁ ମୀ ଡକ୍ରିୟାଣି ମାନି କିଦୁ, ଏନାଆଁତାକି ଇଚିହିଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ✧ଏ ଡକ୍ରିୟାଣିତେରି, ମୀରୁ ମୀ ଡକ୍ରିସିକାଣି ଜୀଝୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହୀଆଦୁ ।

୨୦ ✧ଆଡ଼େ କକାରି ପଦାୟାତେରି, ବାରେ କାତାତା ତାଲି ତାଞ୍ଜିତି କାତା ମାନୁଝି ଆଦୁ, ଏନାଆଁତାକି ଇଚିହିଁ ଇଦି ମାହାପୁରୁ ନକିତା ରାହାଁଟି ଲେମ୍ବିନାୟି ।

୨୧ ✧ଏ ତାଲି ତାଞ୍ଜିତେରି, ମୀ କକାରି ପଦାଣି କାରବି କିଆଦୁ, ଏନିକିଁ ଏଝାରି ନୀରାସା ଆଅରି ।

୨୨ ✧ଏ ହଲିୟାଙ୍ଗାତେରି, ମାଣ୍ଡିଇଁ ରାହାଁ କିନିଲେହେଁ ଦାରୁତିତି ସାଝୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣ୍ଡିକି ତଲେ ବାରେ କାମାତା ଏଝାରାଇଁ ମାନୁଝି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକ୍ଷୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜୁଁ ପୁଞ୍ଜାମାଞ୍ଜୁ, ଏନାଆଁତାକି ଇଚିହିଁ କ୍ରୀସୁଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ ✧ଇଚିହିଁ ଆମ୍ବାଆସି ଲାଗେଏ କାମା କିନେସି ଏଝାସି ଲାଗେଏ କାମାତି ପାଡ଼େୟି ବେଟାଆନେସି, ଇଚିହିଁ ମାହାପୁରୁ ଲକ୍ଷୁତି ପାରଡ଼ା ବାତି କିଆନା ନୀହାଁୟି କିନେସି ।

✧ ୩:୧୮ ୩:୧୮ ଏପିସି ୫:୨୨; ଏପିତ ୩:୧ ✧ ୩:୧୯ ୩:୧୯ ଏପିସି ୫:୨୫; ଏପିତ ୩:୭

✧ ୩:୨୦ ୩:୨୦ ଏପିସି ୭:୧ ✧ ୩:୨୧ ୩:୨୧ ଏପିସି ୭:୪ ✧ ୩:୨୨ ୩:୨୨ ଏପିସି

୭:୫-୮ ✧ ୩:୨୫ ୩:୨୫ ଏପିସି ୭:୯

୪

୧୫ ଏ ସାମ୍ରାଜ୍ୟରେ ଯେତେବେଳେ ଲାକପୁରୁ ମୀ ସାମ୍ରାଜ୍ୟ ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଙ୍କ ଜୀବନହୀନା ନେହଁକଁ ଲେମ୍ବାଦୁ ।

ଜାପନାୟି

୧୬ କାଲେଏ ପ୍ରାତୀନାତା ରଣ୍ଡିଏ ଅଣ୍ଡୁ ତଲେ ମାଞ୍ଜୁ, ଅଡ଼େ ମାହାପୁରୁଙ୍କ ଜହରା କିହଁ ଏମ୍ବାଆଁ ଜାଗ୍ରାତା ମାଞ୍ଜୁ; ୧୭ ମାଲୋତାକି ଜିକେଏ ପ୍ରାତୀନା କିଦୁ, ଏନିକଁ ନେହଁ କାରୁତି କାତା ଝେକ୍‌ହାଲି ମାହାପୁରୁ ମାଲୋତାକି ଦାରା ଦେତାନେସି । କ୍ରୀସ୍ତୁ ଆମିନି ଡଗ୍ଲାମାନି କାତାତାକି ନାନୁ ନୀଏଁ କାୟିଦି ଇଲୁତା ମାଇଁ । ୧୮ ନାନୁ ଝେକ୍‌ନାଟି ନେହଁକଁ ପୁଣ୍ଡିକିନିଲେହେଁ ଝେକ୍‌ହାଲି ଆଡ଼ିଇଁ ଇଞ୍ଜି ନାଲୋତାକି ପ୍ରାତୀନା କିଦୁ ।

୧୯ ପାଗାତି ନେହଁକଁ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣକି ତଲେ ଲେମ୍ବାଦୁ । ୨୦ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ଡିନାୟି, ଅଡ଼େ ହାରୁ ଲେହେଁ ମୀରୁ ଏନିକଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନ୍ତି ଜହରା

୨୧ ପ୍ରବୁତି କାମାତା ନା ତଲେ ନାମୁଟି ସେବା କାମା କିନି ଜାସ୍ତୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି; ୨୨ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ । ୨୩ ଏଞ୍ଜାଣିତଲେ ନାନୁ ନାମୁତା ଜାସ୍ତୁତି ତାୟି ଅନିସିମାଇଁ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୨୪ ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି

✧ ୪:୧ ୪:୧ ଏପିସି ୬:୯ ✧ ୪:୫ ୪:୫ ଏପିସି ୫:୧୭ ✧ ୪:୭ ୪:୭ କାମା ୨୦:୪; ୨ତିମ ୪:୧୨ ✧ ୪:୭ ୪:୭ ଏପିସି ୭:୨୧, ୨୨ ✧ ୪:୯ ୪:୯ ପିଲିମ ୧:୧୦-୧୨ ✧ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨, ୨୫; ୧୩:୧୩; ୧୫:୩୭-୩୯

ମାଞ୍ଜାନେରି, ^{୧୧} ଅଡ଼େ ଜୁସ୍ତ ଦରୁଟି ଝେଙ୍ଗିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମ୍ଭୂତି ଆବାମାନି ଇ ତୀନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାୟେମି କିହାମାଞ୍ଜାନେରି ।

^{୧୨} ✧ଏପାପ୍ରା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲ୍ଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକି ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଣ୍ଟପୁତି ତୀରେ ପୁଞ୍ଜାନା ଝୀତାଆନା ମାଞ୍ଜେରି । ^{୧୩} ଇତିହି ଏଞ୍ଜାସି ମିଙ୍ଗେତାକି ଇଞ୍ଜା, ଲାଝୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଟାଆହି କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ । ^{୧୪} ✧ମା ଜୀହୁତି ତାଙ୍କାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି ।

^{୧୫} ଲାଝୁଦିକିୟାତା ମାନି ତାୟି ତାଙ୍ଗିସ୍ତା, ତାଙ୍ଗି ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ଝେହ୍ଦୁ । ^{୧୬} ଅଡ଼େ ମୀ ତାଣା ଇ ଆକୁ ପଡ଼ଝି ଆଡ଼ି ତାୟୁ ଲାଝୁଦିକିୟା କୁଲମିତା ଜିକେଏ ଏନିକି ପଡ଼ଝି ଆନେରି, ଇଞ୍ଜା ଲାଝୁଦିକିୟାଟି ଆମିନି ଆକୁ ଝାନେ ଏଦାଆଁ ମୀରୁ ଜିକେଏ ପଡ଼ଝି ଆଦେରି ଏଦାଆଁତାକି ଜାଗ୍ରାତା ଆଦୁ । ^{୧୭} ✧ଆକି ପପଇଁ ଝେହ୍ଦୁ, “ନୀନୁ ଆମିନି ପ୍ରବୁତି ସେବା କିନି ପାଣା ବେଟାଆହାମାଞ୍ଜି ଏଦାଆଁ ରାପହାଲି ଜାଗ୍ରାତା ମାନାମୁ ।”

^{୧୮} ନାନୁ ପାଝୁଲ, ନା କେୟୁତଲେ ଇ ଜହରା ରାଟିମାଇଁ, ନା କାୟିଦିତା ମାନାଣି ଅଣ୍ଟପାଦୁ ! ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

✧ ୪:୧୨ ୪:୧୨ କଲସି ୧:୭; ପିଲିମ ୧:୨୩ ✧ ୪:୧୪ ୪:୧୪ ୨ତମ ୪:୧୧; ପିଲିମ ୧:୨୪; ୨ତମ ୪:୧୦; ପିଲିମ ୧:୨୪ ✧ ୪:୧୭ ୪:୧୭ ପିଲିମ ୧:୨

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33